



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**In Evangelia: Qvæ Vsitato More in diebus Dominicis &  
Festis proponuntur, Annotationes Philippi Melanth.**

**Melanchthon, Philipp**

**Vuitebergæ, 1544**

**VD16 E 4532**

Dominica Qvinta Post Epiphania, Euangelium Matth. 13.

**urn:nbn:de:hbz:466:1-35272**

adiuua incredulitatem meam. Hæc exempla monent,  
ut agnoscamus infirmitatem, & tamen non deterrea-  
mur ab inuocatione, sic enim crescit fides, cum magis  
magisq; exercetur. Sicut dicitur: Habenti dabitur.

DOMINICA QUINTA POST  
Epiphania, Euangelium  
Matth. 13. *decimo tertio*

DE ZIZANIIS.

**A**LIAM PARABOLAM PRO-  
posuit eis dicens: Simile est regnū  
cœlorum homini qui seminauit  
bonum semen in agro suo. Cum autem  
dormirent homines, uenit inimicus eius,  
& super seminauit Zizania in medio tri-  
tici, & abiit. Cum autem germinasset her-  
ba & fructum fecisset, tunc apparuerunt  
& Zizania. Accedentes autem serui pa-  
trisfamiliæ dixerunt ei: Domine, nonne  
bonum semen seminasti in agro tuo? un-  
de ergo habet zizania? Ille autem ait il-  
lis: Inimicus homo hoc fecit. Serui autem  
dixerunt

DOMINICA V.

dixerunt ei: **V**is ergo ut euntes colligamus ea? **I**lle autem ait: **N**on, ne forte colligentes zizania, eradicetis simul cum eis triticum: **S**inite utraq; crescere usq; ad messem, & in tempore messis dicam messoribus: **C**olligite primum zizania, & colligate ea in fasciculos ut comburantur, **T**riticum autem congregate in horreum meum.

**V**nus est precipuus locus huius euangelij, q; in ecclesia non liceat tollere ui & gladio inobedientes, scilicet quod attinet ad ministerium apostolorum & uerbi, id est, ad potestatem ecclesiasticam, cuius officium proprium est, non ui corporali, sed tantum uerbo arguere homines. **N**am regnum Christi, est regnum spirituale, quod solo uerbo, sine gladio regitur.

**I**am hic queritur. **U**trum igitur non liceat tollere adulteros, homicidas & ceteras? Sic enim aliquis argumentari posset. **Z**izania non sunt tollenda, **A**dulteri sunt zizania, **E**rgo adulteri sunt tollendi. **C**oncedendum est totum argumentum, quod attinet ad ministerium uerbi, non quod ad civilem potesta

potestatem. Magistratus civilis habet potestatem tollendi adulteros, homicidas, & similes palam flagitiosos. Magistratus enim, ut inquit Paulus, est qui fert gladium in terrorem malis, ut puniat eos. Item, lex est iniustis posita. Et pœnarum civilium tres sunt cause. Prima est iustitia dei. Secunda, exemplum. Tertia, pax publica.

Licet ne etiam magistratui punire hæreticos? Maxime. Magistratus enim est custos totius legis, hoc est, non tantum secundæ, uerum etiam primæ tabulæ, quod ad externam disciplinam attinet. Sed iudicium de doctrina non pertinet tantum ad magistratum, sed ad totam ecclesiam, cuius pars est magistratus, is igitur uiderit ut certo iudicet, non ut nunc fit ex duorum aut trium monachorum seuitia & crudelitate, sed ex sententia optimorum & doctissimorum in ecclesia.

Sic in hæresi Donatistarum, qui fingebant ecclesiam, in qua prorsus nulli essent uitiosi, & contendebant sacramenta per malos administrata fieri irrita, Constantinus imperator iudicium commisit episcopis Romanis, qui cum recognita damnassent Donatistas, neq; iustare hoc iudicio uellent. Imperator Arvalate conuentum instituit, ubi præsens ipse re dijudicata, sententiam tulit contra Donatistas. & ut pena aliqua afficerentur, transtulit bona ipsorum ecclesia  
stica

## DOMINICA

*stica, ad ueram ecclesiam.*

*Ita in summa hoc euangelium docet, ne Apostoli  
prætextu euangelij arripiant gladium, & consti-  
tuant regnum mundanum, quod longe aliud est, q̄  
regnum Christi. Sed de eorum officio loquitur Pau-  
lus. Increpa, argue, cum omni imperio. Quibus uerbis  
significat Paulus, potestatem ecclesiasticam posse im-  
perare in ijs, quæ sunt iuris diuini, ei q̄; necessario obe-  
diendum esse. Id enim significat ἐπιταγή.*

## DOMINICA SEPTVAGESI- mæ, Euangelium Matt. 20.

**S**IMILE EST REGNUM COE-  
lorum homini patrifamiliâs, qui  
exiit primo diluculo conducere ope-  
rarios in uineam suam, Conuentione  
autem facta cum operarijs, ex dena-  
rio diurno, misit eos in uineam suam.  
Et egressus circa horam tertiam, uidit al-  
ios stantes in foro otiosos, & dixit il-  
lis: Ite & uos in uineam, & quod iustum  
fuerit, dabo uobis. Illi autem abierunt.  
Iterum